



Icyegeranyo cy'amakuru y'imikino yaranze icyumweru

2023

Taliki 31 Kanama – 03 Nzeri



P.1 Cricket : Uganda yegukanye "East Africa T20 Cup 2023"

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1

Cricket: Uganda yegukanye "East Africa T20 Cup 2023"

P2

Football: Habaye imikino y'umunsi wa gatatu wa shampiyona

P2

Karate : Amahugurwa yakoreshejwe na Christophe yasojwe hakinwa irushanwa

P3

Football : Rayon Sports yatsindiye Al Merrikh i Nyanza

Cricket : Uganda yegukanye "East Africa T20 Cup 2023"

Taliki 20 kugeza 31 Kanama 2023 mu Rwanda habereye irushanwa mpuzamahanga mu mukino wa Cricket ryahuje amakipe y'ibihugu byo mu Karere k'Afurika y'Uburasirazuba mu cyciro cy'abagabo "East Africa T20I Cup 2023".

Iri rushanwa ryari ribaye ku nshuro ya kabiri ryitabiriwe n'amakipe 3 ari yo Uganda, Tanzania n'u Rwanda. Ribera kuri Sitade Mpuzamahanga ya Gahanga.

Uko irushanwa ryagombaga gukinwa, buri kipe yakinnye n'indi imikino 4. Ikipe ya Uganda yitwaye neza itsinda imikino 11 muri 12, Tanzania itsinda 6 naho ikipe y'u Rwanda itsinda umukino umwe itsindwa 11.

Ikipe ya Uganda yegukanye igikombe nyuma yo kuza ku mwanya wa mbere n'amanota 22, ikurikirwa na Tanzania n'amanota 12 naho ikipe y'u Rwanda isoreza ku mwanya wa 3 n'amanota 2.

Iyi kipe ya Uganda yisubije iki gikombe kuko ni yo yari yacyegukanye ubwo iri rushanwa ryakinwaga bwa mbere mu Kuboza 2022 muri Uganda.



Football : Habaye imikino y'umunsi wa gatatu wa shampiyona

Taliki 01 kugeza 03 Nzeri 2023 habaye imikino y'umunsi wa kabiri wa shampiyona y'icyiciro cya mbere mu mupira w'amaguru mu bagabo. Imikino y'umunsi wa kane biteganyijwe ko izaba taliki 16 na 17 Nzeri 2023.

Uko imikino yagenze

Taliki 01-09-2023

- Rayon Sports 1-1 Amagaju FC

Taliki 02-09-2023

- Musanze FC 2-1 Sunrise FC
- Marines FC 1-0 Etincelles FC
- Etoile de l'Est 0-1 APR FC
- Bugesera FC 4-0 Kiyovu
- AS Kigali 1-2 Gasogi United

Taliki 03-09-2023

- Muhazi United 1-1 Gorilla FC
- Police FC 1-1 Mukura

Umwanya	Ikipe	Imikino	Amanota
1	Musanze FC	3	09
2	APR FC	2	06
3	Gasogi United	3	06
4	Amagaju FC	3	05
5	Rayon Sports	3	05
6	Mukura	3	05
7	Police FC	3	04
8	Kiyovu	3	04
9	Bugesera FC	3	03
10	Marines FC	2	03
11	Gorilla FC	3	03
12	AS Kigali	3	03
13	Sunrise FC	3	03
14	Muhazi United	3	02
15	Etincelles FC	3	01
16	Etoile de l'est FC	3	0



Karate : Amahugurwa yakoreshejwe na Christophe yasojwe hakinwa irushanwa

Taliki 01 kugeza 03 Nzeri 2023, icyamamare mu mukino wa Karate akaba akomoka mu Bufaransa, Christophe Pinna yakoresheje amahugurwa yari agamije kongerera ubumenyi abakina uyu mukino mu Rwanda mu bijyanye no kurwana "Kumite Seminar".

Aya mahugurwa yateguve na Japan Karate Association Rwanda "JKA-Rwanda" ku bufatanye n'ishyirahamwe ry'umukino wa Karate mu Rwanda "FERWAKA" yasojwe hakinwa irushanwa ku nshuro ya mbere "Grand Prix".

Iri rushanwa ryegukanwe na Ntwali Fiston atsinze Niyitanga Khalifa naho ku mwanya wa 3 hasoreza Shyaka Ndutiye Roger.

Aba bakinnyi bitwaye neza bahawe ibihembo aho Ntwali yahawe ibihumbi 300, Niyitanga ahabwa ibihumbi 200 naho Shyaka Ndutiye ahabwa ibihumbi 100.

Aya mahugurwa ndetse n'irushanwa "Grand Prix" yabereye muri Lycée de Kigali mu Rugunga.



Football : Rayon Sports yatsindiye Al Merrikh i Nyanza

Taliki 03 Nzeri 2023 mu Karere ka Nyanza habereye umukino wagicuti wahuje ikipe ya Rayon Sports ikomoka muri aka Karere ndetse na Al Merrikh SC yo muri Sudani.

Uyu mukino wari wateguwe n'Akarere ka Nyanza ku bufatanye n'umuryango utegamiye kuri Leta ufasha abatishoboye " FXB Rwanda" mu rwego rw'ubukangurambaga bwo kurwanya isambanywa ry'abana n'inda ziterwa abangavu.

Ikipe ya Rayon Sports yitwaye neza itsinda na Al Merrikh SC igitego 1-0 cyatsinzwe na Rudasingwa Prince.

Mbere y'uju mukino, ikipe ya Rayon Sports yasuye ibice nyaburanga harimo Ingoro y'Umwami mu Rukari, aho barebye uko bita ku nka bimwe mu bigize umuco Nyarwanda.

Abakinni ba Rayon Sports kandi banasuye uruganda rw'imyenda rwa "Nyanza Investment Group Ltd". Ibi bikaba biri muri gahunda yo kumenyekanisha icyerekezo cy'Akarere cyo kuba izingiro ry'ubukerarugendo bushingiye ku muco n'amateka.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave